

Daj haiguh “Lajmbanj Cengh-seuq, Vujmingz Gyaunde!” aen hozdung neix daeuj, ranzmbanj gou fatseng bienqvaq gig hung.

“Va……va……va”, yi, gij sing ndeidingq neix daj gizlawz daeuj ne? O, yienzlaiz dwg dah’ iq ranzmbanj cingq lae ne. Raemxdah sawdikdik haenx youq laj ndit ronghsag fubfeb. Neix dwg gij sing riu dah’ iq ha! Gij sing riu neix hawj vunz yawj le nyaenx mbouj ndaej iet fwngz roengz raemx bae, yaepyet, raq liengz ndeu daj faj fwngz cienz daengz ndaw sim, hawj mwngz simsoeng dangqmaz. Gyoengq vunzmbanj cungj gyaenz daeuj gizneix saeg buh; lwngyez hix gyaenz daeuj henzdah guhcaemz, sing angqhemq, sing riu, sing raemx lae, yiengj baenz benq ndeu. Cungj diegyouq neix ndei gvaq diegsien.

Naj doiq dah’ iq, gou ngeix hwnj



武鸣县仙湖镇中桥小学六(2)班 潘银珠

gij cingzgingj bi lai gaxgonq. Seiz-haenx, vunzmbanj dang dah’ iq baenz lahizciz, heiqhaeu daemj mbwn, raemxdah hix nyumx baenz saek ndaem, hawj vunz siengj rueg, lienx

dwk gig vaiq byaij bae. Seizneix dah’ iq bienq ndei lo, caeklaiq miz hangh gunghcwngz doiq nungzminz miz ik neix.

Menhmenh byaij youq gwnz lohmbanj cenghseuq, simcingz gou

bienq ndaej engqgya vuenheij. Song henz loh maj rim baenz caz baenz caz nywjheu. Sijsaeq yawj, mwngz couh yawjraen dujduj va’ iq launyaenq dwk ndoj youq ndawde. Danghnaeuz mwngz ndwn youq gwnz lohmbanj cenghseuq neix, couh lienx doek geu byoem ndeu cungj roxnyinh dwg famhcoih. Dwg ha, caeklaiq miz hangh gunghcwngz doiq nungzminz miz ik neix. Nyapnyaj mbouj raen lo, haexvaiz mbouj raen lo, nywjheu mbouj miz doenghduz bae nyoeg-nyamx lo, doemboenq deng sauq cengh lo, gij yiengh uqlah haenx caiq mbouj raen lo.

Gou saenq, cijaeu “Lajmbanj Cenghseuq, Vujmingz Gyaunde!” aen hozdung neix laebdaeb guh roengzbae, ranzmbanj raeuz daengzcoq engq gyaunde!

(指导老师:潘文清)

Yawj《Lwngnyez Gaej Daej》Miz Gamjsiengj 《宝贝别哭》观后感

武鸣县仙湖镇中桥小学五(1)班 李晨曦



Ngoenzbonz, lauxsae cujiz raeuz yawj 《Lwngnyez Gaej Daej》bouh denyingj neix. Doengh gij gingdaeuz gamjdoengh vunz haenx lij heux youq ndaw uk gou, hawj gou mbouj rox lumz, hawj gou ndaw sim siengj daengz haujlai.

Miz aen yozyau ndeu heuh guh “Ngoenzcog Yozyau”. Gij lwngnyez ndaw yoz-yau bouxboux cungj miz duenh ginglig vunz mbouj rox he: Moz Lanz aenvih swngghoz sibgvenq cauxbaenz sibgvenq vaih gyaenz gwn nyapnyaj; Lij Hau aenvih daxbuz maezaenq naeuz daxmeh haek dai daxboh de, cix mbouj nyienh raennaj daxmeh; Linz Linz haemz daxgux dawz de soengq daengz yozyau, ngoenznaengz doengz aen seizgan cungj daej ciengz ndeu; Siufieih mbouj miz daxmeh,

daxboh haeuj genhyuz…… Yawjraen gij lwngnyez gyaranz vaih luk vaih lik neix, siengjsiengj gou swgheij, caen dwg beij gyoengqde vuenyungz cienfanh boix. Moix ngoenz gou gojyij youq aen ranz raeujrub, yiengjsouh gij gyaenz bohmeih, gojyij youq ndaw hagdangz gyaunde! caeuq gyoengq baengzyoux hagsib, guhcaemz, gou miz maz swghwz mbouj ndeindei hagsib ne? Raeuz gijmaz hix mbouj noix, lij miz maz swghwz euqsingq ne?

Yawj bouh denyingj neix le, gou amq roengz gietsim: Itdingh insik gij hagsib vanzging caeuq hagsib gihvei ngoenzneix, ndeindei hagsib, baezlaeng majhung le, bangcoh lwggyax haemzhoj, vih sevei guh ok gunghawj.

(指导老师:潘红玲)

Lauxsae, Dou Bae Gyawz?

老师,我们去哪?

Lauxsae, dou bae gyawz?
Bae gizdieg gig gyae gig gyae.
Yienghneix mwngz bae buenx dou lwi?
Mbouj, lauxsae soengq mbaw diduz he hawj sou.

Lauxsae, dou bae gyawz?
Bae dieg moqseng youh gig gyaunde! he.
Lijdwg hawj dou gag bae ha?
Lauxsae rox hawj faenh ganliengz coengmingz hawj sou daiq bae.

Lauxsae, mwngz bae gyawz?
Gou caiq dauqma aen gyausiz sou hagsib haenx.
(roek nienzgaep Cangh Gicinh)



Dahsau Seizcin Daeuj Lo 春姑娘来了

武鸣县仙湖镇中桥小学四(2)班 周思宇

Cin madaengz gwnzdieg, fanhfaed singj lo. Dahsau seizcin gaenq daeujdaengz lo, gij sing yamqdin de gaenq caegcaeg ciepgaenx raeuz, dahsau seizcin dwg boux canghdajveh hung okmingz ndeu ne! Yienghneix raeuz couh bae yawjyawj gij cozbij de ba.

Dahsau seizcin daeujdaengz henz dah’ iq, dawz nyeliux daz baenz saekheuiq, couh lumj daenj hwnj geubuh heucit, caen gyaunde! ha!

De daeujdaengz ndaw suenva, vacouxcin henjgim hai lo, lumjbaenz cingq naeuz: “Seizcin daeuj lo, seizcin daeuj lo!” Vadauz hoengzmaeq riunyumnyum, valeiz hausaksak baijok gij oiq bonjfaenh. Ndw youq gwnzsang baez yawj, cijraen benq hausaksak ndeu, couh lumj bu hwnj caengz didanj hausaksak nei, gig gyaunde! Va homfwtfwt, youq ndaw heiq singjsien fouszanq, baez raq baez raq iemq haeuj ndawsim.

Dahsau seizcin daeujdaengz ndoengfaex, cijraen gofaex gak cungj gak yiengh cingq ciengj gonq lau laeng dwk baijok nye oiq bonjfaenh, de hawj gofaex daenj hwnj buhheuh, cungj bienqbaenz heuiq, caen gyaue ha!

De daeujdaengz gwnz diegnywj, cij raen gyangdoengh gvangqlangh hix daenj hwnj diuz buh heuswdswd, gyoengq lwngnyez youq gwnz diegnywj naengh dwk ninz dwk, miz mbangj doxingx, miz mbangj youq gwnz diegnywj doxgyaep, lij miz mbangj ninz youq gwnz nywjiq heuswdswd dak ndit, gyoengqde angq raixcaix.

Dahsau seizcin caen ak, de lumj boux mohsuzswd ndeu, dawz gwnzdieg bienq ndaej moqsaksak! Dahsau seizcin caen ak, veh ok fuk veh geijlai gyaunde! ha!

(指导老师:彭君星)

